

Perquè y ouèi di minà i tchandjon coulour après qu'i son na ?

A coulour dé y ouèi a l'é déterminà di sellule pigmentère (le mélanosite) dé l'iris. Tsétte sellule i prodouichon un pigmèn brun qu'ou sé créya mélanina. L'é o mémo pigmèn qu'ou dona a coulour a pel é i pèi. Corra y é son moué dé mélanosite, l'iris l'é d'eunna coulour fontsà. S'i y é son pa dé mélanosite, l'iris a l'é bleu perse, da méma coulour di sellule dé l'iris sé té la aite én trachparéntsà.

Eunna piquioda cantétà dé mélanosite a dona eunna coulour djana qué, mehquià o bleu dé l'iris, fèi vénì y ouèi vert, maròn, etc.

Corra i nachon, le popón i l'an soèn y ouèi bleu perquè o iour iris ou l'a pa dé mélanosite. Un tso pé co, le mélanosite i l'encomintson a prodouire le iour pigmèn é l'iris ou tchandja dé coulour. Ma corra i nachén a l'é malén dé comprénde quinta l'é peu a coulour définitiva. Sé o popón ou l'a y ouèi fontsà, l'é lén qu'i rehtesson peu parì. O contrère, s'ou l'a y ouèi quiér, soèn i poon tchandjé é vénì pieu fontsà. Y ouèi luvron dé tchandjé dé coulour maque dé l'adjo dé chi mes, eun an, belle sé a tonalité pout encorra sé définì tanque le dou-j-àn.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.cyberscience.com, écrit par Philippe Chartier

Texte publié en 2009 sur « Mon clocher », Paroisse de Saint Maurice - Brusson

Collaborateur de Brusson pour la traduction : **Roberta Sommese Esposito**

La transcription a été soignée par le Guichet Linguistique

Mise à jour de la graphie : octobre 2013